



DEPUTACIÓN PROVINCIAL
DA CORUÑA



CONCELLO DE
SANTIAGO DE COMPOSTELA



CONCELLO DE OROSO



CONCELLO DE ORDES



CONCELLO DE TORDOIA



CONCELLO DE CERCEDA

SERVIZO DE PATRIMONIO E CONTRATACIÓN

Número 158 /2017

CONVENIO DE COLABORACIÓN ENTRE A DEPUTACIÓN PROVINCIAL DE A CORUÑA E OS CONCELLOS DE SANTIAGO DE COMPOSTELA, OROSO, ORDES, TORDOIA E CERCEDA DA PROVINCIA DA CORUÑA PARA A FINANCIACIÓN DE REDACCIÓN/ACTUALIZACIÓN DE PROXECTOS DE VÍA VERDE

Na Coruña, a 29 de decembro de 2017

REUNIDOS

- O Sr. Presidente da Deputación de A Coruña, D. Valentín González Formoso.
 - O Sr. Alcalde-Presidente do Concello de Santiago de Compostela, D. Martiño Noriega Sánchez.
 - O Sr. Alcalde-Presidente do Concello de Oroso, D. Manuel Mirás Franqueira.
 - O Sr. Alcalde-Presidente do Concello de Ordes, D. José Luis Martínez Sanjurjo.
 - O Sr. Alcalde-Presidente do Concello de Tordoia, D. Antonio Pereira Liñares.
 - O Sr. Alcalde-Presidente do Concello de Cerceda, D. José García Liñares.
- Os comparecentes interveñen en uso das facultades que, por razón dos seus cargos lles están atribuídas.

MANIFESTAN

- 1.- Os concellos de Santiago de Compostela, Oroso, Ordes, Tordoia e Cerceda contan con 36,5 km de vías férreas desafectadas que, tralo seu acondicionamento, serían moi doadas de transitar en bicicleta ou a pé, e constituirían un espazo público de grande atractivo polo seu interese natural e cultural.
- 2.- Nese marco, a recuperación de camiños de ferro en desuso que discorren polo municipios e a súa transformación en "vía verde" constitúe unha ferramenta óptima para poñer en valor as cualidades ambientais, paisaxísticas, patrimoniais e históricas dese vieiro.
- 3.- A citada vía verde constituirase nunha vía de comunicación non motorizada entre os distintos núcleos de poboación a través de espazos de grande interese medioambiental, histórico e cultural e a creación deste itinerario, servirá para potenciar o turismo rural na zona, o que se fará por medio dunha ruta alternativa e independente das estradas, que teñen trazados que comportan un perigo evidente para os usuarios non motorizados, mellorando así a seguridade dos usuarios ciclistas e senderistas, permitindo aos peregríns que transitan a ruta xacobeá Santiago- Coruña- Finisterre percorrer gran parte da mesma pola vía verde, sen asumir riscos e incomodidades de outros traxectos expostos á circulación de vehículos de motor.
- 4.- A transformación deses treitos de antigas vías férreas convertería a "Vía Verde a Compostela" na primeira corredoiira verde de Galicia en lonxitude e tería unha grande transcendencia e repercusión no



DEPUTACIÓN PROVINCIAL
DA CORUÑA



CONCELLO DE
SANTIAGO DE COMPOSTELA



CONCELLO DE OROSO



CONCELLO DE ORDES



CONCELLO DE TORDOIA



CONCELLO DE CERCEDA

desenvolvemento socioeconómico dos cinco concellos, e na promoción turística da zona na medida en que enlazaría, por unha ruta alternativa, á capital de Galicia cos municipios vecinos.

5.- A redacción dos primeiros 21,85 kilómetros xa foi obxecto de convenio no ano 2010, cunha financiación de 42.920,00 euros. Polo que o obxecto deste novo convenio é a redacción dos novos proxectos, relativos aos tramos restantes, 14,65 kilómetros, e a actualización e descomposición do proxecto redactado no ano 2011, cunha lonxitude de 21,85 kilómetros.

6.- A Deputación Provincial da Coruña considera de grande interese para a provincia o proxecto da "Vía verde", que pretende dar resposta ás exigencias de mobilidade sostible, ocio participativo e respecto co medio ambiente que plantexa á nosa sociedade civil, impulsando a reutilización das vías sen servizo para a creación de Vías Verdes

Visto o anterior considérase procedente a firma dun convenio de colaboración entre a Deputación Provincial da Coruña e os Concellos de Santiago de Compostela, Ordes, Tordoia, Oroso e Cerceda para a financiación da redacción/actualización dos proxectos de Vía Verde, como primeira fase dunha actuación que poderá no futuro desenvolverse nunha segunda fase de financiación das obras, se os órganos competentes das entidades firmantes consideran oportuna aprobala, e previa existencia de crédito adecuado e suficiente.

Por todo o exposto, a Deputación de A Coruña e os Concellos de Santiago de Compostela, Ordes, Tordoia, Oroso e Cerceda acordan formalizar o presente convenio con suxeición ás seguintes cláusulas.

CLÁUSULAS

Primeira. Obxecto.

O obxecto do presente convenio é establecer as bases de colaboración entre a Deputación Provincial de A Coruña e os Concellos de Cerceda, Ordes, Oroso, Santiago de Compostela, e Tordoia, para financiar a redacción/actualización dos seguintes proxectos de sendas verdes:

TERMO MUNICIPAL	TRAMO	PERCORRIDO	PK	LONXITUDE (KM)
Santiago de Compostela	1	Santiago de Compostela – Límite Concello de Oroso	0,00 - 10,18	10,18
Oroso	2	Límite Concello Oroso – Límite Concello Ordes	10,18 - 17,33	7,15
Ordes*	3	Límite Concello Ordes – Límite Concello Tordoia	17,33 – 23,82	6,49
Tordoia	4	Límite Concello Tordoia – Límite	23,82 – 26,28	2,46



DEPUTACIÓN PROVINCIAL
DA CORUÑA



CONCELLO DE
SANTIAGO DE COMPOSTELA



CONCELLO DE OROSO



CONCELLO DE ORDES



CONCELLO DE TORDOIA



CONCELLO DE CERCEDA

		Concello Ordes		
Ordes*	5	Límite Concello Ordes – Límite Concello Cerceda	26,28 – 28,34	2,06
Cerceda	6	Límite Concello Cerceda – Variante de Queixas	28,34 – 36,50	8,16
TOTAL				36,50

*O Concello de Ordes suma entre os tramos 3 e 5 un total de 8,55 Km.

O prazo de redacción/actualización do proxecto para cada concello será SEIS (6) meses para o tramo ou tramos que lles correspondan.

Tendo en conta que dos 36,50 kilómetros, 21,85 kilómetros xa foron financiados cun convenio de colaboración do ano 2010, este convenio financia a actualización dos proxectos dos primeiros 21,85 kilómetros e a redacción dos proxectos dos restantes 14,65 kilómetros, establecéndose un importe de 547,94 euros por kilómetro, xa se trate de actualización ou de redacción dos novos proxectos.

Segunda. Presupuesto total para a redacción de proxectos e financiamento.

O presupuesto para a redacción/actualización do proxecto de cada un dos concellos é o seguinte:

	Kilómetros	Importe por Km	Km x importe	Importe fijo
Santiago	10,18	547,94	5.578,03	4.000,00 9.578,03
Oroso	7,15	547,94	3.917,77	4.000,00 7.917,77
Ordes	6,49	547,94	3.556,13	4.000,00 8.684,88
	2,06	547,94	1.128,75	-
Tordoia	2,46	547,94	1.347,93	4.000,00 5.347,93
Cerceda	8,16	547,94	4.471,20	4.000,00 8.471,20

Totales

36,50

19.999,81	20.000,00	39.999,81
-----------	-----------	-----------



DEPUTACIÓN PROVINCIAL
DA CORUÑA



CONCELLO DE
SANTIAGO DE COMPOSTELA



CONCELLO DE OROSO



CONCELLO DE ORDES



CONCELLO DE TORDOIA



CONCELLO DE CERCEDA

A Deputación Provincial da Coruña financiará o presuposto da redacción/actualización do proxecto de cada un dos concellos, tal e como se define na cláusula anterior cunha aportación máxima total para todos os concellos de 31.999,86 € o que representa unha porcentaxe do 80 %, considerando a singularidade e transcendencia desta actuación medioambiental.

	Coste total	Aportación concello		Aportación Diputación	
		Porcentaxe	Importe	Porcentaxe	Importe
Santiago	9.578,03	20%	1.915,60	80%	7.662,43
Oroso	7.917,77	20%	1.583,55	80%	6.334,22
Ordes	8.684,88	20%	1.736,98	80%	6.947,90
Tordoia	5.347,93	20%	1.069,58	80%	4.278,35
Cerceda	8.471,20	20%	1.694,24	80%	6.776,96
Totales	39.999,81	20%	7.999,95		31.999,86

Para a determinación da aportación da Deputación e dos concellos estableceuse unha cuota fixa por concello de 4.000,00 € e unha cuota variable en función do número de kilómetros de vía verde que transcorre por cada concello.

O compromiso da Deputación no presente convenio circunscríbese exclusivamente á financiación do custo da redacción/actualización dos proxectos, sen perxucio de que se formalicen novos convenios, de consideralo os respectivos órganos competentes, para a financiación da fase de execución dos proxectos ou actualización, e existencia de crédito adecuado e suficiente.

1. No caso de que o importe máximo xustificando non alcanzara o importe total previsto na cláusula segunda, a Deputación só aportará o importe que represente o 80 % da cantidade efectivamente xustificada.
2. A Deputación provincial financiará exclusivamente os gastos derivados da redacción/actualización dos proxectos e, polo tanto, non se financiarán os gastos de tributos devengados pola obtención de licencias, honorarios pola dirección das obras, seguridade e saúde, control de calidade, execución de obras, etc. Tampouco se financiarán os incrementos de gasto derivados de modificados, reformados ou liquidacións dos proxectos.
3. O importe da financiación provincial farase efectivo con cargo á aplicación orzamentaria 0112/4541/46201 do presuposto provincial do ano 2017. Dado que a vixencia do convenio exténdese a exercicios futuros, a súa aprobación queda condicionada á existencia de crédito axeitado e suficiente nos exercicios orzamentarios correspondentes e ó cumprimento da Lei de Estabilidade Presupostaria.



DEPUTACIÓN PROVINCIAL
DA CORUÑA



CONCELLO DE
SANTIAGO DE COMPOSTELA



CONCELLO DE OROSO



CONCELLO DE ORDES



CONCELLO DE TORDOIA



CONCELLO DE CERCEDA

4. A subvención da Deputación é compatible coa percepción de outras subvencións ou axudas, públicas ou privadas que os concellos obteñan para a mesma finalidade, sempre que o seu importe, xunto co da subvención provincial, non supere en ningún caso o importe total do gasto efectivamente xustificado.
5. No caso de que a concurrencia de axudas ou subvencións supere o importe do gasto efectivamente xustificado, minorarase a aportación provincial no importe necesario para darlle estrito cumprimento ó apartado anterior.

Terceira. Contratación da redacción dos proxectos.

Os concellos, contratarán, cada un, a redacción do proxecto do tramo ou tramos que transcorren polo seu termo municipal, dacordo co establecido na normativa de contratos do sector público.

Cuarta. Publicidade do financiamento provincial.

Na portada dos proxectos e no seu interior figurará o logotipo da Deputación e farase constar a financiación da Deputación nos propios proxectos/actualizacións e na publicidade institucional e calquera outro acto de divulgación ou presentación que se faga polos concellos.

Quinta. Responsable do contrato.

Cada concello designará un responsable dos contratos que verifique que o proxecto do seu concello reúne a documentación técnica, xurídica e económica preceptiva.

Sexta. Xustificación necesaria para recibir a aportación provincial

1. Ata o 50 por cento da aportación provincial terá carácter prepagable, de forma que procederase a expedir un primeiro pago a favor de cada concello pola cuantía resultante de aplicar dito porcentaxe sobre o importe de adxudicación do proxecto/actualización unha vez que se adxunte ó expediente a seguinte documentación:
 - Certificación do acordo de adxudicación do contrato de redacción/actualización do proxecto de cada concello, na que figuren, alomenos, os seguintes datos: entidade adxudicataria, importe do contrato e prazo de execución.
 - Acreditación do cumprimento das obrigas tributarias e coa Seguridade Social.
 - Declaración doutras axudas ou subvencións solicitadas ou concedidas coa mesma finalidade.
2. Unha vez entregado o proxecto/actualización, procederase ó abono do 50 por cento restante, unha vez que se presente ou conste na Deputación provincial a seguinte documentación (orixinal ou copia compulsada).



DEPUTACIÓN PROVINCIAL
DA CORUÑA



CONCELLO DE
SANTIAGO DE COMPOSTELA



CONCELLO DE OROSO



CONCELLO DE ORDES



CONCELLO DE TORDOIA



CONCELLO DE CERCEDA

- Copia en formato dixital do proxecto/actualización, onde conste o financiamento provincial tal e como se indica na cláusula cuarta do convenio.
- Informe do técnico responsable do contrato sobre o citado proxecto/actualización.
- Acreditación do cumprimento das obrigas de publicidade previstas na cláusula cuarta (mediante a presentación de fotografías dilixenciadas no reverso).
- Acreditación do cumprimento das obrigas tributarias e coa Seguridade Social.
- Declaración doutras axudas ou subvencións solicitadas ou concedidas coa mesma finalidade.
- Deberá acreditar o pago efectivo ós terceiros do importe aboado co primeiro pago prepagable.

3. O abono da cuantía resultante da subvención materializarase mediante ingreso na conta da entidade financeira indicada polo concello. E se transcurrirán máis de catro meses dende a correcta xustificación dos compromisos adquiridos sin que cobrase o importe que lle corresponda, o concello terá dereito o abono dos xuros de demora, o tipo de xuro legal que se devengue dende a finalización do prazo de catro meses ata o momento no que se faga efectivo o pago.
4. Deberá acreditar o abono aos terceiros do importe xustificado do 50% no prazo máximo dun mes dende a recepción dos fondos que constitúen o segundo prazo.

Séptima. Cumprimento das obrigas tributarias e coa Seguridade Social e a súa acreditación.

1. O concello deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigas tributarias coa Administración do Estado, coa Comunidade autónoma, coa Deputación Provincial da Coruña, e coa Seguridade Social.
2. A acreditación do cumprimento de ditas obrigas poderá realizarse mediante declaración responsábel expedida polo órgano competente, mediante a presentación dos correspondentes certificado ou ben autorizando á Deputación a que obteña telemáticamente os correspondentes certificados.
3. A acreditación do cumprimento das obrigas tributarias coa Deputación Provincial determinarse de oficio por ésta.

Octava. Comisión de seguemento.

Consituirase unha comisión de seguemento formada por 6 vogais, a razón de un membro designado por cada unha das institucións asinantes do presente convenio, designados polo presidente da Deputación da Coruña e polos alcaldes dos Concellos, respectivamente, co obxecto de coordinar as actuacións derivadas do presente convenio.

As súas funcións, entre outras, serán as seguintes:



DEPUTACIÓN PROVINCIAL
DA CORUÑA



CONCELLO DE
SANTIAGO DE COMPOSTELA



CONCELLO DE OROSO



CONCELLO DE ORDES



CONCELLO DE TORDOIA



CONCELLO DE CERCEDA

- Impulsar, avaliar e vixiar o cumprimento do presente convenio naqueles aspectos técnicos obxecto deste, propoñendo as actuacións que se consideren precisas.
- Interpretar, nos casos de dúbida, o contido do presente convenio.
- Resolver as posibles controversias que puideran xurdir na aplicación do convenio.

Esta comisión reunirse as veces que se estimen oportunas para o cumprimento do presente convenio. En todo caso, a solución das incidencias estará condicionada polas limitacións orzamentarias indicadas na cláusula terceira.

Novena. Reintegro, infraccións e sancións.

O incumprimento dalgunha das cláusulas previstas no presente convenio de colaboración poderá conlevar a obriga de reintegro parcial ou total dos fondos recibidos, así como ao pago dos xuros de demora que se devenguen desde o día no que se realizou o pago ata o momento no que se acorde a procedencia do reintegro. O procedemento de reintegro iniciárase de oficio na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na Base 55ª das de Execución do Orzamento da Deputación.

De conformidade co disposto na Base 55.6 das de Execución do Orzamento da Deputación, o retraso na realización dos proxectos conlevará unha sanción dun 10 por 100 do importe da subvención co límite de 75,00 € se o retraso non excede de tres meses. Se o retraso na realización dos proxectos excede de tres meses, a sanción será dun 20 por 100 da subvención outorgada co límite de 150,00 €.

E se o retraso se produce no prazo de xustificación e non excede dun mes, a sanción prevista na Lei imponse no grao mínimo e será do 10 por 100 do importe da subvención outorgada co límite de 75,00 €. Se excede dun mes e non chegase a tres, a sanción imponse no seu grao medio e será do 20 por 100 do importe da subvención outorgada co límite de 400,00 €. E se a extemporaneidade da xustificación excede de tres meses, a sanción imponse no seu grao máximo e suporá o 30 por 100 do importe da subvención, sen que poida superar o importe de 900,00 €.

Si o retraso se produce no pago ao adxudicatario ou terceiros que realizaran o obxecto do convenio, liquidarase o xuro legal do diñeiro polo período que medie entre o prazo indicado na cláusula VI.3 e a data do pago efectivo ao terceiro.

Décima. Vixencia do convenio, prórroga ou modificación



DEPUTACIÓN PROVINCIAL
DA CORUÑA



CONCELLO DE
SANTIAGO DE COMPOSTELA



CONCELLO DE OROSO



CONCELLO DE ORDES



CONCELLO DE TORDOIA



CONCELLO DE CERCEDA

O presente convenio iniciará a súa vixencia unha vez sexa aprobado polos órganos competentes e formalizado o seu texto.

Para o caso de que o concello non poida ter rematados os proxectos/actualizacións e presentada a xustificación antes do día 1 de setembro de 2018, deberá solicitar antes desta data, a prórroga do prazo inicial, achegando coa solicitude un novo programa de traballo asinado polo Director do proxecto, co fin de que a Deputación poida acreditar a existencia de crédito adecuado e suficiente para o pago do segundo prazo pola cuantía do 50 % do importe correctamente xustificado. Acreditada esta circunstancia, a Deputación poderá conceder a prórroga solicitada, que en ningún caso poderá exceder do 31 de outubro do ano seguinte. A esta data, o convenio quedará definitivamente extinguido, de xeito que o concello perderá o dereito ao cobro do importe correspondente á cuantía non xustificada a dita data.

Tamén, por acordo expreso de ambas as dúas partes e previos os informes da Unidade Xestora, do servizo de Patrimonio e Contratación, da Secretaría e da Intervención da Deputación, o convenio poderá ser obxecto de modificación. En ningún caso, se poderá modificar o convenio variando sustancialmente o obxecto da subvención concedida.

Serán causas de extinción do presente convenio:

1. O non cumprimento do seu obxecto.
2. A inviabilidade da realización das actuacións descritas neste convenio, por causas non imputables ás partes.
3. O incumprimento de carácter total ou parcial das cláusulas do presente convenio. Entenderase por incumprimento parcial aquel que implica en maior ou menor grao a non consecución dos fins propios do convenio ou impidan de xeito directo ou indirecto as actuacións previstas no presente convenio.
4. Denuncia por causas de interese público, ou a instancia de calquera das partes.

Cada unha das situación descritas por si soa é causa suficiente de rescisión do mesmo.

Décimoprimeira. Incorporación ao rexistro público de subveccións e publicación da subvención concedida.

1. No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación dos concellos serán remitidas á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto.
2. Asemade, no cumprimento do disposto no artigo 16.3 da Lei 9/2007, de 13 de xuño, de Subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao Rexistro público de axudas, subvencións e convenios da Comunidade autónoma de Galicia.



DEPUTACIÓN PROVINCIAL
DA CORUÑA



CONCELLO DE
SANTIAGO DE COMPOSTELA



CONCELLO DE OROSO



CONCELLO DE ORDES



CONCELLO DE TORDOIA



CONCELLO DE CERCEDA

3. Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención ó concello será publicada no Boletín Oficial da Provincia da Coruña e na páxina web dicoruna.es
4. Un exemplar deste convenio, debidamente asinado, será incorporado ao Rexistro de convenios que depende do Servizo de Patrimonio e contratación da Deputación.

Décimosegunda. Natureza e xurisdición competente.

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións de Galicia. Supletoriamente aplicárase a lexislación de contratos do sector público.
2. A xurisdición contencioso-administrativa será competente para dirimir, na vía xurisdiccional, as cuestións litixiosas que puidesen xurdir da aplicación do presente convenio.

Faise constar que o presente convenio foi aprobado polo Pleno da Corporación Provincial en sesión celebrada o 22 de decembro de 2017

Así din e asinan, por cuadruplicado exemplar, no lugar e data indicados no encabezamento.

O Sr Presidente da DEPUTACIÓN PROVINCIAL DE A CORUÑA D. Valentín González Formoso O Sr. Alcalde-Presidente do Concello de OROSO D. Manuel Mirás Franqueira. O Sr. Alcalde-Presidente do Concello de TORDOIA D. Antonio Pereira Liñares	O Sr Alcalde-Presidente do Concello de SANTIAGO DE COMPOSTELA D. Martiño Noriega Sánchez O Sr. Alcalde-Presidente do Concello de ORDES D. José Luis Martínez Sanjurjo. O Sr. Alcalde-Presidente do Concello de CERCEDA D. José García Liñares.
---	---


